

Աշնանն արտը նախ ցանում, ապա վարում էին և շէին ցաֆւնում՝ սերմը ծածկում էին քօխրայով: Գարնանացանը կատարվում էր արտը վարելուց հետո և անպատճառ արտը ցաֆւնվում էր:

Որպես տափան գործ էր ածվում ցաֆւնը՝ երկճեղ հաստ ճյուղ, որի վրա հյուսվում էին կաղնու ավելի բարակ ճյուղեր, այնպես, որ նրանց երկաթ ծայրերը մնան մի կողմից դուրս և թրև գան արտի վրայով երկար ավելի պես: Յաֆւնի տակ ամրացնում էին նույն երկարութունն ունեցող տախտակ մոտ 25—30 սմ լայնությամբ, որի երկու ծայրերից հավասար հեռավորությամբ շինված ծակերի մեջ նստեցնում էին մի-մի երկար ձող: Այս ձողերը հակառակ ծայրերով իրար հետ միացնելով՝ կապում էին լծին: Յաֆւնի ճյուղերի վրա դնում էին ծանր քարեր կամ երբեմն նստեցնում էին երեխաներին՝ ավելի սեղմ տափելու համար: Տախտակը ջարդում էր կոշտերը: Ճյուղերը վարած դետինն ավելելով՝ ծածկում էին սերմերը:

Թե՛ վէսկիի և թե՛ ցաֆւնի լուծը նույնն էր, բոլորովին նման այլ գափառների լուծին, միայն թե շատ ավելի կոպիտ շինված, մանավանդ արևմտյան գավառներում գործածվողների համեմատությամբ: Այստեղ էլ եզան գլուխն աջ և ձախ կողմից պահող ձողերը կոչվում են սամի, սրմավատ, իսկ նրանց ծայրերը կապող բրդե կապերը՝ սմբէտան: Այստեղ էլ լուծը կամ գոնե նրա սամինէրը շինվում են պոչնի՝ բոշնի փայտից, ոչ թե նրա համար, որ այդ փայտն ավելի լավ է ծռվում, այլ կարծում են, թե բոշնին պահում է շառ աչֆից:

Գարնան սկզբից մինչև հնձի և խոտհարքի վերջանալը գյուղերում վարձում էին պահապաններ, որոնց պարտականութունն էր հսկել, որ տավարը արտը կամ խոտհարքի դաշտը չմտնի: Վարձը տալիս էին սովորաբար ցորենով կամ գարիով:

Հաջող բերք ունենալու և ցանքսն ամեն շարից ազատ պահելու համար թե՛ աշնանացանի և թե՛ գարնանացանի ժամանակ վարից առաջ սովորաբար հասարակ մատաղ էր մորթվում: Նույնը կրկնվում էր, երբ հարուստ բերք էր սպասվում, որ ոչ ոք աչքով չտա, կարկուտը չծեծի, կայծակը չխփի: Աշխատում էին վարը միաժամանակ սկսել, այն էլ բարի օրերին— երեքշաբթի, հինգշաբթի կամ շաբաթ օրերը¹¹: Գիշերը շէին վարում, շէին ցանում, ինչպես և շէին հնձում դիշերվա վախից: Առաջին անգամ վէսկին վարը դուրս գալուց հետո վերադառնալիս հօտաղը հօտաղի վրա, մշակը մշակի վրա ջուր էր ածում, որ տարին անձրևային լինի¹²:

Ցանքը սկսելուց առաջ սերմացուից մի քիչ եփում էին՝ կրճախաշանում, մեջը ձգելով կորեկ, լոբի, խամբար՝ եգիպտացորեն, առանց յուղի և բոլոր տանեցիք ուտում էին, որ տարին անձրևային լինի և ցորենի հատիկները խոշորանան, ինչպես խոշորանում են եփած ժամանակ, հասնեն եփած լոբու, կորեկի չափին¹³:

Ընդհակառակը՝ արգելվում էր սերմացուի մի որևէ հատիկ բովել կրակի վրա, ինչպես և չհասած հասկերը, որպեսզի արևը չխանձի ապագա բերքը և ցորենը չլղարանա:

¹¹ Թեխ գյուղում:

¹² Գետաթաղ:

¹³ Ողջի (Օխչի):